

ՏԵՂԵԿԱԼՔ

2017 թվականի ընթացքում կոռուպցիոն բնույթի հանցագործությունների քննության արդյունքների վերաբերյալ

2017թ. հաշվետու ժամանակաշրջանում ՀՀ իրավասու մարմինների վարույթում կոռուպցիոն բնույթի հանցագործությունների վերաբերյալ նախապատրաստվել է ընդամենը 500 նյութ (որից քննչական կոմիտե-197, հատուկ քննչական ծառայություն-268, ԱԱԾ քննչական վարչություն-32, ՊԵԿ քննչական վարչություն-3), որից 403-ով (որից քննչական կոմիտե-176, հատուկ քննչական ծառայություն-192, ԱԱԾ քննչական վարչություն-32, ՊԵԿ քննչական վարչություն-3) հարուցվել են քրեական գործեր, 96-ով՝ քրեական գործ հարուցելը մերժվել է, որից 90-ը՝ արդարացման, 6-ը՝ ոչ արդարացման հիմքով: Քրեական գործ հարուցելը մերժելու մասին 1 նյութի որոշում վերացվել և հարուցվել է քրեական գործ՝ դատախազի կողմից: Բացի հարուցված 403 քրեական գործից հաշվետու ժամանակաշրջանում վարույթ է ընդունվել 357 քրեական գործ, որից 57-ը՝ նախկինում կարճված կամ կասեցված և վարույթը վերսկսված, 224-ը՝ այլ մարմնից ստացված, 2-ը՝ դատախազի կողմից լրացուցիչ քննության վերադարձված և 74-ը՝ քննվող քրեական գործերից անջատված մասեր, ինչպես նաև վարույթում են գտնվել նախորդ տարվանից փոխանցված 245 քրեական գործ:

Հաշվետու ժամանակաշրջանում ՀՀ նախաքննական մարմինների վարույթում քննված ընդհանուրը 1005 քրեական գործից ընդամենը ավարտվել է 520 գործի վարույթ, որից 309-ի վարույթը կարճվել է արդարացման, իսկ 62-ինը՝ ոչ արդարացման հիմքերով: Վարույթը ավարտված մնացած 149 քրեական գործից 148-ը մեղադրական եզրակացությամբ ուղարկվել են դատարան, իսկ 1 քրեական գործ ուղարկվել է դատարան՝ բժշկական բնույթի հարկադրանքի միջոցներ կիրառելու միջնորդությամբ:

Նշված ժամանակահատվածում վարույթում գտնվող 1005 քրեական գործից 79-ի վարույթը կասեցվել է, որից 51-ինը անձը հայտնի չլինելու, 27-ինը՝ անձի հետախուզման մեջ գտնվելու, իսկ 1-ինը՝ այլ հիմքերով: 72 քրեական գործ ուղարկվել է ըստ ենթակայության, 98 գործ՝ միացվել է, 236 գործի նախաքննություն փոխանցվել է 2018թ.:

2017թ. ընթացքում ՀՀ նախաքննական մարմինների վարույթում քննված կոռուպցիոն բնույթի 1005 (որից քննչական կոմիտե-542, հատուկ քննչական ծառայություն-388, ԱԱԾ քննչական վարչություն-68, ՊԵԿ քննչական վարչություն-7) քրեական գործերով քրեական հետապնդման են ենթարկվել ընդհանուրը 599 (որից քննչական կոմիտե-366, հատուկ քննչական ծառայություն-170, ԱԱԾ քննչական վարչություն-62, ՊԵԿ քննչական վարչություն-1) անձինք:

Քրեական հետապնդման ենթարկված 599 անձանցից 114-ը (որից քննչական կոմիտե-23, հատուկ քննչական ծառայություն-58, ԱԱԾ քննչական վարչություն-32, ՊԵԿ քննչական վարչություն-1) ձերբակալվել է, նրանցից 27-ը ազատվել ձերբակալումից: Քրեական հետապնդման ենթարկված անձանցից 498-ի (որից քննչական կոմիտե-265, հատուկ քննչական ծառայություն-170, ԱԱԾ քննչական վարչություն-62, ՊԵԿ քննչական վարչություն-1) վերաբերյալ որոշում է կայացվել որպես մեղադրյալ ներգրավելու մասին, 494 (որից քննչական կոմիտե-262, հատուկ քննչական ծառայություն-170, ԱԱԾ քննչական վարչություն-61, ՊԵԿ

քննչական վարչություն-1) անձի մեղադրանք է առաջադրվել: 116 (որից քննչական կոմիտե-41, հատուկ քննչական ծառայություն-44, ԱԱԾ քննչական վարչություն-30, ՊԵԿ քննչական վարչություն-1) անձի կալանավորման վերաբերյալ միջնորդություն է ներկայացվել դատարան, որից 4-ը մերժվել է, 112-ը՝ բավարարվել, 25 անձի նկատմամբ որպես այլընտրանքային խափանման միջոց կիրառվել է գրավ: 32 մեղադրյալի պաշտոնավարում դադարեցվել է: 16 մեղադրյալ ազատվել է կալանքից, որից դատախազի կողմից 7-ը, դատարանի կողմից՝ 7-ը, 2-ը՝ ժամկետը լրանալու պատճառով: 151 (որից քննչական կոմիտե-122, հատուկ քննչական ծառայություն-28, ԱԱԾ քննչական վարչություն-1) անձի նկատմամբ իրականացվող քրեական հետապնդումը դադարեցվել է, որից 76-ինը՝ արդարացման, 75-ինը՝ ոչ արդարացման հիմքով: Դատախազի կողմից վերացվել է քրեական հետապնդումը դադարեցնելու մասին 2 որոշում: Դատի է տրվել 300 (որից քննչական կոմիտե-137, հատուկ քննչական ծառայություն-111, ԱԱԾ քննչական վարչություն-52) անձ, որից 64-ը (որից քննչական կոմիտե-11, հատուկ քննչական ծառայություն-42, ԱԱԾ քննչական վարչություն-11) գտնվել է կալանքի տակ, 1 անձի վերաբերյալ քրեական գործն ուղարկվել է դատարան՝ բժշկական բնույթի հարկադրանքի միջոցներ կիրառելու միջնորդությամբ: Քրեական հետապնդման ենթարկված 152 (որից քննչական կոմիտե-116, հատուկ քննչական ծառայություն-27, ԱԱԾ քննչական վարչություն-8, ՊԵԿ քննչական վարչություն-1) անձի վերաբերյալ քրեական գործերի նախաքննությունը փոխանցվել է 2018թ., նշված անձանցից 23-ը գտնվել են կալանքի տակ:

Ըստ կոռուպցիոն բնույթի առանձին հանցատեսակների հաշվետու տարում նախապատրաստված նյութերի և քննված քրեական գործերի շարժը ունեցել է հետևյալ պատկերը՝

2017թ. ընթացքում **պաշտոնեական դիրքի օգտագործմամբ ընտրական իրավունքի իրականացմանը, ընտրական հանձնաժողովների աշխատանքներին կամ ընտրությանը մասնակցող անձանց լիազորությունների իրականացմանը խոչընդոտելու (ՀՀ քր. օր 149-րդ հոդված)** վերաբերյալ նախապատրաստվել է 1 նյութ, որով քրեական գործի հարուցումը մերժվել է՝ արդարացման հիմքով:

Պաշտոնեական դիրքի օգտագործմամբ կատարված խարդախությունների (ՀՀ քր. օր 178-րդ հոդված) վերաբերյալ նախապատրաստվել է 8 նյութ, որից 5-ով հարուցվել է քրեական գործ, 3-ով՝ քրեական գործի հարուցումը մերժվել է՝ արդարացման հիմքով: Հաշվետու ժամանակահատվածում նշված հանցագործության վերաբերյալ վարույթում քննվել է 21 քրեական գործ, որից ընդամենը ավարտվել է 8 քրեական գործի վարույթ, այդ թվում 2 գործի վարույթ կարճվել է արդարացման, 1-ինը՝ ոչ արդարացման հիմքերով, իսկ 5 գործ մեղադրական եզրակացությամբ ուղարկվել է դատարան: 2 գործի վարույթ կասեցվել է անձի հետախուզման մեջ գտնվելու հիմքով: 3 գործ ուղարկվել է ըստ ենթակայության, 4 գործ միացվել է, իսկ 4 գործի նախաքննություն հաշվետու ժամանակաշրջանում մնացել է անավարտ:

2017թ. ընթացքում նշված հանցագործության վերաբերյալ քննված 21 (որից քննչական կոմիտե-4, հատուկ քննչական ծառայություն-14, ԱԱԾ քննչական վարչություն-2, ՊԵԿ քննչական վարչություն-1) քրեական գործով քրեական հետապնդման է ենթարկվել

ընդհանուրը 18 (որից քննչական կոմիտե-10, հատուկ քննչական ծառայություն-7, ԱԱԾ քննչական վարչություն-1)անձինք:

Քրեական հետապնդման ենթարկված 18 անձանցից 6-ը ձերբակալվել է, նրանցից 2-ը ազատվել ձերբակալումից: Քրեական հետապնդման ենթարկված անձանցից 13-ի վերաբերյալ որոշում է կայացվել որպես մեղադրյալ ներգրավելու մասին, 13 անձի մեղադրանք է առաջադրվել: 6 անձի կալանավորման վերաբերյալ միջնորդություն է ներկայացվել դատարան, որից 1-ը մերժվել է, 5-ը՝ բավարարվել, 1 անձի նկատմամբ որպես այլընտրանքային խափանման միջոց կիրառվել է գրավ: 3 մեղադրյալի պաշտոնավարում դադարեցվել է: 1 մեղադրյալ ազատվել է կալանքից՝ դատախազի կողմից: 6 անձի նկատմամբ իրականացվող քրեական հետապնդումը դադարեցվել է, որից 3-ինը՝ արդարացման, 3-ինը՝ ոչ արդարացման հիմքով: Դատի է տրվել 7 անձ, որից 5-ը գտնվել է կալանքի տակ: Քրեական հետապնդման ենթարկված 4 անձի վերաբերյալ քրեական գործերի նախաքննությունը փոխանցվել է 2018թ.:

Պաշտոնեական դիրքի օգտագործմամբ կատարված յուրացման կամ վատնման (ՀՀ քր. օր 179-րդ հոդված) վերաբերյալ նախապատրաստվել է 37 նյութ, որից 34-ով հարուցվել է քրեական գործ, 3-ով՝ քրեական գործի հարուցումը մերժվել է, որից 2-ով արդարացման, իսկ 1-ով՝ ոչ արդարացման հիմքով: Հաշվետու ժամանակահատվածում նշված հանցագործության վերաբերյալ վարույթում քննվել է 101 քրեական գործ, որից ընդամենը ավարտվել է 54 քրեական գործի վարույթ, այդ թվում 14 գործի վարույթ կարճվել է արդարացման, 12-ինը ոչ արդարացման հիմքերով, իսկ 28 գործ մեղադրական եզրակացությամբ ուղարկվել է դատարան: 10 գործի վարույթ կասեցվել է, որից 7-ինը՝ անձը հայտնի չլինելու, իսկ 3-ինը՝ անձի հետախուզման մեջ գտնվելու հիմքով: 7 գործ ուղարկվել է ըստ ենթակայության, 3 գործ միացվել է, իսկ 27 գործի նախաքննություն հաշվետու ժամանակաշրջանում մնացել է անավարտ:

Հաշվետու ժամանակաշրջանում նշված հանցագործության վերաբերյալ քննված 101 (որից քննչական կոմիտե-86, հատուկ քննչական ծառայություն-7, ԱԱԾ քննչական վարչություն-7, ՊԵԿ քննչական վարչություն-1) քրեական գործով քրեական հետապնդման է ենթարկվել ընդհանուրը 87 (որից քննչական կոմիտե-76, հատուկ քննչական ծառայություն-6, ԱԱԾ քննչական վարչություն-5) անձ:

Քրեական հետապնդման ենթարկված 87 անձանցից 2-ը ձերբակալվել է, նրանցից 1-ը ազատվել ձերբակալումից: Քրեական հետապնդման ենթարկված անձանցից 69-ի վերաբերյալ որոշում է կայացվել որպես մեղադրյալ ներգրավելու մասին, 72 անձի մեղադրանք է առաջադրվել: 10 անձի կալանավորման վերաբերյալ միջնորդություն է ներկայացվել դատարան, որոնք բավարարվել են, 3 անձի նկատմամբ որպես այլընտրանքային խափանման միջոց կիրառվել է գրավ: 4 մեղադրյալի պաշտոնավարում դադարեցվել է: 5 մեղադրյալ ազատվել է կալանքից, որից 3-ը՝ դատախազի, 2-ը՝ դատարանի կողմից: 23 անձի նկատմամբ իրականացվող քրեական հետապնդումը դադարեցվել է, որից 6-ինը՝ արդարացման, 17-ինը՝ ոչ արդարացման հիմքով: Դատախազի կողմից վերացվել է քրեական հետապնդումը դադարեցնելու 1 որոշում: Դատի է տրվել 51 անձ, որից 1-ը գտնվել է կալանքի տակ: Քրեական հետապնդման ենթարկված 18 անձի վերաբերյալ քրեական գործերի նախաքննությունը փոխանցվել է 2018թ., նշված անձանցից 1-ը գտնվել է կալանքի տակ:

Պաշտոնեական դիրքի օգտագործմամբ խաբեության կամ վստահությունը չարաշահելու եղանակով գույքային վնաս պատճառելու (ՀՀ քր. օր 184-րդ հոդված) վերաբերյալ 2017թ.-ի ընթացքում վարույթում քննվել է 1 քրեական գործ, որը միացվել է:

Հաշվետու ժամանակաշրջանում նշված հանցագործության վերաբերյալ քննված քրեական գործով քրեական հետապնդման ենթարկված անձ չի եղել:

Փողերի լվացման (ՀՀ քր. օր 190-րդ հոդված) վերաբերյալ նյութեր չեն նախապատրաստվել: Հաշվետու ժամանակահատվածում նշված հանցագործության վերաբերյալ վարույթում քննվել է 8 քրեական գործ, որից ընդամենը ավարտվել է 1 քրեական գործի վարույթ, որը մեղադրական եզրակացությամբ ուղարկվել է դատարան: 1 գործի վարույթ կասեցվել է անձի հետախուզման մեջ գտնվելու հիմքով: 1 գործ միացվել է, իսկ 5 գործի նախաքննություն հաշվետու ժամանակաշրջանում մնացել է անավարտ:

Հաշվետու ժամանակաշրջանում նշված հանցագործության վերաբերյալ ԱԱԾ քննչական վարչությունում քննված 8 քրեական գործով քրեական հետապնդման է ենթարկվել ընդհանուրը 5 անձ:

Քրեական հետապնդման ենթարկված 5 անձանցից 3-ը ձերբակալվել է: 5 անձի վերաբերյալ որոշում է կայացվել որպես մեղադրյալ ներգրավելու մասին, 5 անձի մեղադրանք է առաջադրվել: 3 անձի կալանավորման վերաբերյալ միջնորդություն է ներկայացվել դատարան, որոնք բավարարվել են: Դատի է տրվել 5 անձ, որից 3-ը գտնվել է կալանքի տակ:

Առևտրային կաշառքի (ՀՀ քր. օր 200-րդ հոդված) վերաբերյալ նախապատրաստվել է 4 նյութ, որոնցով հարուցվել է 4 քրեական գործ: Հաշվետու ժամանակահատվածում նշված հանցագործության վերաբերյալ վարույթում քննվել է 17 քրեական գործ, որից ընդամենը ավարտվել է 11 քրեական գործի վարույթ, այդ թվում 5 գործի վարույթ կարճվել է արդարացման հիմքերով, իսկ 6 գործ մեղադրական եզրակացությամբ ուղարկվել է դատարան: 2 գործ ուղարկվել է ըստ ենթակայության, իսկ 4 գործի նախաքննություն հաշվետու ժամանակաշրջանում մնացել է անավարտ:

2017թ. ընթացքում նշված հանցագործության վերաբերյալ քննված 17 (որից քննչական կոմիտե-11, հատուկ քննչական ծառայություն-1, ԱԱԾ քննչական վարչություն-5) քրեական գործով քրեական հետապնդման է ենթարկվել ընդհանուրը 8 (որից քննչական կոմիտե-3, հատուկ քննչական ծառայություն-1, ԱԱԾ քննչական վարչություն-4) անձ:

Քրեական հետապնդման ենթարկված 8 անձանցից 1-ը ձերբակալվել է: 8 անձի վերաբերյալ որոշում է կայացվել որպես մեղադրյալ ներգրավելու մասին, 8 անձի մեղադրանք է առաջադրվել: 1 անձի կալանավորման վերաբերյալ միջնորդություն է ներկայացվել դատարան, որը մերժվել է: 1 անձի նկատմամբ իրականացվող քրեական հետապնդումը դադարեցվել է արդարացման հիմքով: Դատի է տրվել 3 անձ: Քրեական հետապնդման ենթարկված 4 անձի վերաբերյալ քրեական գործերի նախաքննությունը փոխանցվել է 2018թ., նշված անձանցից 1-ը գտնվել է կալանքի տակ:

Արհեստավարժ մարզամրցումների և հանդիսավոր առևտրային մրցույթների մասնակիցներին ու կազմակրպիչներին կաշառելու (ՀՀ քր. օր 201-րդ հոդված) վերաբերյալ նախապատրաստվել է 3 նյութ, որոնցով հարուցվել են քրեական գործեր: Հաշվետու ժամանակահատվածում նշված հանցագործության վերաբերյալ վարույթում քննվել է 7 քրեական գործ, որից ընդամենը ավարտվել է 2 քրեական գործի վարույթ, այդ թվում 1 գործ

մեղադրական եզրակացությամբ ուղարկվել է դատարան, իսկ 1 գործ ուղարկվել է դատարան բժշկական բնույթի հարկադրանքի միջոցներ կիրառելու միջնորդությամբ: 2 գործի վարույթ կասեցվել է անձը հայտնի չլինելու հիմքով: 2 գործ ուղարկվել է ըստ ենթակայության, իսկ 1 գործի նախաքննություն հաշվետու ժամանակաշրջանում մնացել է անավարտ:

2017թ. ընթացքում նշված հանցագործության վերաբերյալ քննված 7 (որից քննչական կոմիտե-2, ԱԱԾ քննչական վարչություն-5) քրեական գործով քրեական հետապնդման է ենթարկվել ընդհանուրը 5 (որից ԱԱԾ քննչական վարչություն-5) անձ:

Քրեական հետապնդման ենթարկված 5 անձից 4-ը ձերբակալվել է: 5-ի վերաբերյալ որոշում է կայացվել որպես մեղադրյալ ներգրավելու մասին, 5 անձի մեղադրանք է առաջադրվել: 4 անձի կալանավորման վերաբերյալ միջնորդություն է ներկայացվել դատարան, որոնք բավարարվել են, 1 անձի նկատմամբ որպես այլընտրանքային խափանման միջոց կիրառվել է գրավ: 2 մեղադրյալ ազատվել է կալանքից: Դատի է տրվել 4 անձ: 1 անձի վերաբերյալ քրեական գործն ուղարկվել է դատարան՝ բժշկական բնույթի հարկադրանքի միջոցներ կիրառելու միջնորդությամբ:

Առևտրային կամ այլ կազմակերպությունների ծառայողների կողմից լիազորությունները չարաշահելու (ՀՀ քր. օր 214-րդ հոդված) վերաբերյալ նախապատրաստվել է 17 նյութ, որոնցով հարուցվել է 17 քրեական գործ: Հաշվետու ժամանակահատվածում նշված հանցագործության վերաբերյալ վարույթում քննվել է 99 քրեական գործ, որից ընդամենը ավարտվել է 39 քրեական գործի վարույթ, այդ թվում 19 գործի վարույթ կարճվել է արդարացման, 9-ինը՝ ոչ արդարացման հիմքերով, իսկ 11 գործ մեղադրական եզրակացությամբ ուղարկվել է դատարան: 14 գործի վարույթ կասեցվել է, որից 5-ինը՝ անձը հայտնի չլինելու, 8-ինը՝ անձի հետախուզման մեջ գտնվելու, իսկ 1-ինը՝ այլ հիմքով: 8 գործ ուղարկվել է ըստ ենթակայության, 13 գործ միացվել է, իսկ 25 գործի նախաքննություն հաշվետու ժամանակաշրջանում մնացել է անավարտ:

Հաշվետու ժամանակաշրջանում նշված հանցագործության վերաբերյալ քննված 99 (որից քննչական կոմիտե-88, հատուկ քննչական ծառայություն-3, ԱԱԾ քննչական վարչություն-6, ՊԵԿ քննչական վարչություն-2) քրեական գործով քրեական հետապնդման է ենթարկվել ընդհանուրը 30 (որից քննչական կոմիտե-23, հատուկ քննչական ծառայություն-3, ԱԱԾ քննչական վարչություն-4) անձ:

Քրեական հետապնդման ենթարկված 30 անձանցից 3-ը ձերբակալվել է, նրանցից 2-ը ազատվել ձերբակալումից: 26-ի վերաբերյալ որոշում է կայացվել որպես մեղադրյալ ներգրավելու մասին, 25 անձի մեղադրանք է առաջադրվել: 2 անձի կալանավորման վերաբերյալ միջնորդություն է ներկայացվել դատարան, որոնք բավարարվել են, 1 անձի նկատմամբ որպես այլընտրանքային խափանման միջոց կիրառվել է գրավ: 6 անձի նկատմամբ իրականացվող քրեական հետապնդումը դադարեցվել է, որից 3-ինը՝ արդարացման, 3-ինը՝ ոչ արդարացման հիմքով: Դատախազի կողմից վերացվել է քրեական հետապնդումը դադարեցնելու մասին 1 որոշում: Դատի է տրվել 13 անձ, որից 2-ը գտնվել է կալանքի տակ: Քրեական հետապնդման ենթարկված 7 անձի վերաբերյալ քրեական գործերի նախաքննությունը փոխանցվել է 2018թ.:

Պաշտոնեական դիրքն օգտագործելով ծառերի, թփերի և բուսածածկի ապօրինի հատման (ՀՀ քր. օր 296-րդ հոդված) վերաբերյալ նախապատրաստվել է 4 նյութ, որոնցով

հարուցվել են քրեական գործեր: Հաշվետու ժամանակահատվածում նշված հանցագործության վերաբերյալ վարույթում քննվել է ընդամենը 6 (որից հատուկ քննչական ծառայություն-2, ԱԱԾ քննչական վարչություն-4) քրեական գործ, որից 2-ը ուղարկվել է ըստ ենթակայության, իսկ 4-ը՝ միացվել է:

Հաշվետու ժամանակաշրջանում նշված հոդվածով քրեական հետապնդման ենթարկված անձինք չեն եղել:

Պաշտոնեական լիազորությունները չարաշահելու (ՀՀ քր. օր 308-րդ հոդված) վերաբերյալ նախապատրաստվել է 155 նյութ, որից 107-ով հարուցվել է քրեական գործ, 48-ով՝ քրեական գործի հարուցումը մերժվել է, որից 47-ով արդարացման, իսկ 1-ով՝ ոչ արդարացման հիմքով: Հաշվետու ժամանակահատվածում նշված հանցագործության վերաբերյալ վարույթում քննվել է 236 քրեական գործ, որից ընդամենը ավարտվել է 117 քրեական գործի վարույթ, այդ թվում 83 գործի վարույթ կարճվել է արդարացման, 11-ինը՝ ոչ արդարացման հիմքերով, իսկ 23 գործ մեղադրական եզրակացությամբ ուղարկվել է դատարան: 23 գործի վարույթ կասեցվել է, որից 20-ինը՝ անձը հայտնի չլինելու, իսկ 3-ինը՝ անձի հետախուզման մեջ գտնվելու հիմքով: 21 գործ ուղարկվել է ըստ ենթակայության, 19 գործ միացվել է, իսկ 56 գործի նախաքննություն հաշվետու ժամանակաշրջանում մնացել է անավարտ:

Հաշվետու ժամանակաշրջանում նշված հանցագործության վերաբերյալ քննված 236 (որից քննչական կոմիտե-95, հատուկ քննչական ծառայություն-125, ԱԱԾ քննչական վարչություն-15, ՊԵԿ քննչական վարչություն-1) քրեական գործով քրեական հետապնդման է ենթարկվել ընդհանուրը 92 (որից քննչական կոմիտե-37, հատուկ քննչական ծառայություն-50, ԱԱԾ քննչական վարչություն-5) անձ:

Քրեական հետապնդման ենթարկված 92 անձանցից 19-ը ձերբակալվել է, նրանցից 4-ը ազատվել ձերբակալումից: Քրեական հետապնդման ենթարկված անձանցից 74-ի վերաբերյալ որոշում է կայացվել որպես մեղադրյալ ներգրավելու մասին, 71 անձի մեղադրանք է առաջադրվել: 16 անձի կալանավորման վերաբերյալ միջնորդություն է ներկայացվել դատարան, որից 1-ը մերժվել է, 15-ը՝ բավարարվել, 3 անձի նկատմամբ որպես այլընտրանքային խափանման միջոց կիրառվել է գրավ: 3 մեղադրյալի պաշտոնավարում դադարեցվել է: 2 մեղադրյալ ազատվել է կալանքից, որից դատախազի կողմից 1-ը, դատարանի կողմից՝ 1-ը: 24 անձի նկատմամբ իրականացվող քրեական հետապնդումը դադարեցվել է, որից 11-ինը՝ արդարացման, 13-ինը՝ ոչ արդարացման հիմքով: Դատի է տրվել 56 անձ, որից 13-ը գտնվել է կալանքի տակ: Քրեական հետապնդման ենթարկված 10 անձի վերաբերյալ քրեական գործերի նախաքննությունը փոխանցվել է 2018թ., նշված անձանցից 2-ը գտնվել են կալանքի տակ:

Պաշտոնեական լիազորություններն անցնելու (ՀՀ քր. օր 309-րդ հոդված) վերաբերյալ նախապատրաստվել է 67 նյութ, որից 54-ով հարուցվել է քրեական գործ, 12-ով քրեական գործի հարուցումը մերժվել է արդարացման հիմքով: Հաշվետու ժամանակահատվածում նշված հանցագործության վերաբերյալ վարույթում քննվել է 96 քրեական գործ, որից 58 քրեական գործի վարույթ կարճվել է արդարացման հիմքով: 6 գործի վարույթ կասեցվել է անձը հայտնի չլինելու հիմքով: 6 գործ ուղարկվել է ըստ ենթակայության, 13 գործ միացվել է, իսկ 13 գործի նախաքննություն հաշվետու ժամանակաշրջանում մնացել է անավարտ:

Հաշվետու ժամանակաշրջանում նշված հանցագործության վերաբերյալ քննված 96 (որից քննչական կոմիտե-12, հատուկ քննչական ծառայություն-84) քրեական գործով քրեական հետապնդման է ենթարկվել ընդհանուրը 4 (որից քննչական կոմիտե-1, հատուկ քննչական ծառայություն-3) անձ:

Քրեական հետապնդման ենթարկված 4 անձանց վերաբերյալ որոշում է կայացվել որպես մեղադրյալ ներգրավելու մասին, 4 անձի մեղադրանք է առաջադրվել: 2 անձի նկատմամբ իրականացվող քրեական հետապնդումը դադարեցվել է արդարացման հիմքով: 1 անձի վերաբերյալ քրեական գործի նախաքննությունը փոխանցվել է 2018թ.:

Ձեռնարկատիրական գործունեությանն ապօրինի մասնակցելու (ՀՀ քր. օր 310-րդ հոդված) վերաբերյալ նախապատրաստվել է 1 նյութ, որով հարուցվել է քրեական գործ: Հաշվետու ժամանակահատվածում նշված հանցագործության վերաբերյալ վարույթում քննվել է 2 քրեական գործ: 1 գործի վարույթ կարճվել է արդարացման հիմքով: 1 գործի նախաքննություն հաշվետու ժամանակաշրջանում մնացել է անավարտ:

Նշված հոդվածով քրեական հետապնդման ենթարկված անձ չի եղել:

Կաշառք ստանալու (ՀՀ քր. օր 311-րդ հոդված) վերաբերյալ նախապատրաստվել է 53 նյութ, որից 47-ով հարուցվել է քրեական գործ, 6-ով՝ քրեական գործի հարուցումը մերժվել է արդարացման հիմքերով: Հաշվետու ժամանակահատվածում նշված հանցագործության վերաբերյալ վարույթում քննվել է 104 քրեական գործ, որից ընդամենը ավարտվել է 48 քրեական գործի վարույթ, այդ թվում 23 գործի վարույթ կարճվել է արդարացման հիմքով, իսկ 25 գործ մեղադրական եզրակացությամբ ուղարկվել է դատարան: 9 գործի վարույթ կասեցվել է, որից 4-ինը՝ անձը հայտնի չլինելու, իսկ 5-ինը՝ անձի հետախուզման մեջ գտնվելու հիմքով: 6 գործ ուղարկվել է ըստ ենթակայության, 13 գործ միացվել է, իսկ 28 գործի նախաքննություն հաշվետու ժամանակաշրջանում մնացել է անավարտ:

Հաշվետու ժամանակաշրջանում նշված հանցագործության վերաբերյալ քննված 104 (որից քննչական կոմիտե-22, հատուկ քննչական ծառայություն-70, ԱԱԾ քննչական վարչություն-11, ՊԵԿ քննչական վարչություն-1) քրեական գործով քրեական հետապնդման է ենթարկվել ընդհանուրը 73 (որից քննչական կոմիտե-21, հատուկ քննչական ծառայություն-42, ԱԱԾ քննչական վարչություն-9, ՊԵԿ քննչական վարչություն-1) անձ:

Քրեական հետապնդման ենթարկված 73 անձանցից 36-ը ձերբակալվել է, նրանցից 6-ը ազատվել ձերբակալումից: 64-ի վերաբերյալ որոշում է կայացվել որպես մեղադրյալ ներգրավելու մասին, 63 անձի մեղադրանք է առաջադրվել: 35 անձի կալանավորման վերաբերյալ միջնորդություն է ներկայացվել դատարան, որոնք բավարարվել են, 1 անձի նկատմամբ որպես այլընտրանքային խափանման միջոց կիրառվել է գրավ: 2 մեղադրյալի պաշտոնավարում դադարեցվել է: 3 անձի նկատմամբ իրականացվող քրեական հետապնդումը դադարեցվել է արդարացման հիմքով: Դատի է տրվել 43 անձ, որից 25-ը գտնվել է կալանքի տակ: Քրեական հետապնդման ենթարկված 31 անձի վերաբերյալ քրեական գործերի նախաքննությունը փոխանցվել է 2018թ., նշված անձանցից 11-ը գտնվել են կալանքի տակ:

Պաշտոնատար անձ չհանդիսացող հանրային ծառայողի կողմից ապօրինի վարձատրություն ստանալու (ՀՀ քր. օր 311¹-րդ հոդված) վերաբերյալ նախապատրաստվել է 3 նյութ, որոնցով հարուցվել է 3 քրեական գործ: Հաշվետու ժամանակահատվածում նշված

հանցագործության վերաբերյալ վարույթում քննվել է 10 քրեական գործ, որից ընդամենը ավարտվել է 7 քրեական գործի վարույթ, այդ թվում 6 գործի վարույթ կարճվել է արդարացման հիմքերով, իսկ 1 գործ մեղադրական եզրակացությամբ ուղարկվել է դատարան: 2 գործ ուղարկվել է ըստ ենթակայության, 1 գործի նախաքննություն հաշվետու ժամանակաշրջանում մնացել է անավարտ:

Հաշվետու ժամանակաշրջանում նշված հանցագործության վերաբերյալ քննված 10 (որից քննչական կոմիտե-8, հատուկ քննչական ծառայություն-2) քրեական գործով քրեական հետապնդման է ենթարկվել ընդհանուրը 13 (որից քննչական կոմիտե-12, հատուկ քննչական ծառայություն-1) անձ:

Քրեական հետապնդման ենթարկված 13 անձանցից 1-ը ձերբակալվել է: 12-ի վերաբերյալ որոշում է կայացվել որպես մեղադրյալ ներգրավելու մասին, 12 անձի մեղադրանք է առաջադրվել: 2 անձի կալանավորման վերաբերյալ միջնորդություն է ներկայացվել դատարան որոնք բավարարվել են: 1 մեղադրյալի պաշտոնավարում դադարեցվել է: 1 մեղադրյալ ազատվել է կալանքից՝ դատախազի կողմից: 10 անձի նկատմամբ իրականացվող քրեական հետապնդումը դադարեցվել է արդարացման հիմքով: Դատի է տրվել 2 անձ, որից 1-ը գտնվել է կալանքի տակ: Քրեական հետապնդման ենթարկված 1 անձի վերաբերյալ քրեական գործի նախաքննությունը փոխանցվել է 2018թ.:

Կաշառք տալու (ՀՀ քր. օր 312-րդ հոդված) վերաբերյալ նախապատրաստվել է 10 նյութ, որոնցով հարուցվել է 10 քրեական գործ: Հաշվետու ժամանակահատվածում նշված հանցագործության վերաբերյալ վարույթում քննվել է 41 քրեական գործ, որից ընդամենը ավարտվել է 20 քրեական գործի վարույթ, այդ թվում 3 գործի վարույթ կարճվել է արդարացման, 3-ինը՝ ոչ արդարացման հիմքերով, իսկ 14 գործ մեղադրական եզրակացությամբ ուղարկվել է դատարան: 4 գործի վարույթ կասեցվել է, որից 1-ինը՝ անձը հայտնի չլինելու, իսկ 3-ինը՝ անձի հետախուզման մեջ գտնվելու հիմքով: 3 գործ ուղարկվել է ըստ ենթակայության, 4 գործ միացվել է, իսկ 10 գործի նախաքննություն հաշվետու ժամանակաշրջանում մնացել է անավարտ:

Հաշվետու ժամանակաշրջանում նշված հանցագործության վերաբերյալ քննված 41 (որից քննչական կոմիտե-27, հատուկ քննչական ծառայություն-11, ԱԱԾ քննչական վարչություն-3) քրեական գործով քրեական հետապնդման է ենթարկվել ընդհանուրը 103 (որից քննչական կոմիտե-54, հատուկ քննչական ծառայություն-30, ԱԱԾ քննչական վարչություն-19) անձ:

Քրեական հետապնդման ենթարկված 103 անձանցից 25-ը ձերբակալվել է, նրանցից 10-ը ազատվել ձերբակալումից: 95-ի վերաբերյալ որոշում է կայացվել որպես մեղադրյալ ներգրավելու մասին, 95 անձի մեղադրանք է առաջադրվել: 19 անձի կալանավորման վերաբերյալ միջնորդություն է ներկայացվել դատարան, որից 1-ը մերժվել է, 18-ը՝ բավարարվել, 9 անձի նկատմամբ որպես այլընտրանքային խափանման միջոց կիրառվել է գրավ: 14 մեղադրյալի պաշտոնավարում դադարեցվել է: 7 անձի նկատմամբ իրականացվող քրեական հետապնդումը դադարեցվել է, որից 1-ինը՝ արդարացման, 6-ինը՝ ոչ արդարացման հիմքով: Դատի է տրվել 59 անձ, որից 5-ը գտնվել է կալանքի տակ: Քրեական հետապնդման ենթարկված 36 անձի վերաբերյալ քրեական գործերի նախաքննությունը փոխանցվել է 2018թ., նշված անձանցից 6-ը գտնվել են կալանքի տակ:

Պաշտոնատար անձ չհանդիսացող հանրային ծառայողին ապօրինի վարձատրություն տալը (ՀՀ քր. օր 312¹-րդ հոդված) վերաբերյալ հաշվետու ժամանակաշրջանում նյութեր չեն նախապատրաստվել: 2017թ.-ի ընթացքում նշված հանցագործության վերաբերյալ վարույթում քննվել է 1 քրեական գործ, որը մեղադրական եզրակացությամբ ուղարկվել է դատարան:

Հաշվետու ժամանակաշրջանում նշված հանցագործության վերաբերյալ քննված 1 քրեական գործով քրեական հետապնդման է ենթարկվել ընդհանուրը 1 անձ, որի վերաբերյալ քրեական գործը մեղադրական եզրակացությամբ ուղարկվել է դատարան:

Իրական կամ ենթադրյալ ազդեցությունն օգտագործելու համար ապօրինի վարձատրություն տալը (ՀՀ քր. օր 312.2-րդ հոդված) վերաբերյալ հաշվետու ժամանակաշրջանում նյութեր չեն նախապատրաստվել, քրեական գործեր չեն քննվել:

Սակայն հաշվետու ժամանակաշրջանում կոռուպցիոն բնույթի այլ հոդվածներով քննված քրեական գործերով նշված հոդվածով քրեական հետապնդման է ենթարկվել ընդհանուրը 4 անձ, որից 3-ը դատի են տրվել:

Կաշառքի միջնորդության (ՀՀ քր. օր 313-րդ հոդված) վերաբերյալ նյութեր չեն նախապատրաստվել: Հաշվետու ժամանակահատվածում նշված հանցագործության վերաբերյալ վարույթում քննվել է 3 քրեական գործ, որից 2 քրեական գործ մեղադրական եզրակացությամբ ուղարկվել է դատարան: 1 գործ կասեցվել է՝ անձի հետախուզման մեջ գտնվելու հիմքով:

Հաշվետու ժամանակաշրջանում նշված հանցագործության վերաբերյալ քննված 3 (որից քննչական կոմիտե-1, հատուկ քննչական ծառայություն-1, ԱԱԾ քննչական վարչություն-1) քրեական գործով քրեական հետապնդման է ենթարկվել ընդհանուրը 25 (որից քննչական կոմիտե-7, հատուկ քննչական ծառայություն-13, ԱԱԾ քննչական վարչություն-5) անձ:

Քրեական հետապնդման ենթարկված 25 անձանցից 8-ը ձերբակալվել է, նրանցից 1-ը ազատվել ձերբակալումից: 24-ի վերաբերյալ որոշում է կայացվել որպես մեղադրյալ ներգրավելու մասին, 24 անձի մեղադրանք է առաջադրվել: 8 անձի կալանավորման վերաբերյալ միջնորդություն է ներկայացվել դատարան, որոնք բավարարվել են, 3 անձի նկատմամբ որպես այլընտրանքային խափանման միջոց կիրառվել է գրավ: 2 մեղադրյալի պաշտոնավարում դադարեցվել է: 3 անձի նկատմամբ իրականացվող քրեական հետապնդումը դադարեցվել է, որից 1-ինը՝ արդարացման, 2-ինը՝ ոչ արդարացման հիմքով: Դատի է տրվել 16 անձ, որից 5-ը գտնվել է կալանքի տակ: Քրեական հետապնդման ենթարկված 5 անձի վերաբերյալ քրեական գործերի նախաքննությունը փոխանցվել է 2018թ., նշված անձանցից 1-ը գտնվել է կալանքի տակ:

Պաշտոնեական կեղծիքի (ՀՀ քր. օր 314-րդ հոդված) վերաբերյալ նախապատրաստվել է 44 նյութ, որից 34-ով հարուցվել է քրեական գործ, 10-ով՝ քրեական գործի հարուցումը մերժվել է, որից 8-ով արդարացման, իսկ 2-ով՝ ոչ արդարացման հիմքով: Հաշվետու ժամանակահատվածում նշված հանցագործության վերաբերյալ վարույթում քննվել է 103 (որից քննչական կոմիտե-67, հատուկ քննչական ծառայություն-35, ՊԵԿ քննչական վարչություն-1) քրեական գործ, որից ընդամենը ավարտվել է 64 քրեական գործի վարույթ, այդ թվում 36 գործի վարույթ կարճվել է արդարացման, 15-ինը՝ ոչ արդարացման հիմքերով, իսկ 13 գործ մեղադրական եզրակացությամբ ուղարկվել է դատարան: 6 գործի վարույթ կասեցվել

է, որից 5-ինը՝ անձը հայտնի չլինելու, իսկ 1-ինը՝ անձի հետախուզման մեջ գտնվելու հիմքով: 6 գործ ուղարկվել է ըստ ենթակայության, 10 գործ միացվել է, իսկ 17 գործի նախաքննություն հաշվետու ժամանակաշրջանում մնացել է անավարտ:

Հաշվետու ժամանակաշրջանում նշված հանցագործության վերաբերյալ քննված քրեական գործերով քրեական հետապնդման են ենթարկվել ընդհանուրը 61 (որից քննչական կոմիտե-49, հատուկ քննչական ծառայություն-12) անձինք:

Քրեական հետապնդման ենթարկված 61 անձանցից 1-ը ձերբակալվել է, 51-ի վերաբերյալ որոշում է կայացվել որպես մեղադրյալ ներգրավելու մասին, 49 անձի մեղադրանք է առաջադրվել: 1 անձի կալանավորման վերաբերյալ միջնորդություն է ներկայացվել դատարան, որը բավարարվել է: 27 անձի նկատմամբ իրականացվող քրեական հետապնդումը դադարեցվել է, որից 10-ինը՝ արդարացման, 17-ինը՝ ոչ արդարացման հիմքով: Դատի է տրվել 16 անձ, որից 2-ը գտնվել է կալանքի տակ: Քրեական հետապնդման ենթարկված 19 անձի վերաբերյալ քրեական գործերի նախաքննությունը փոխանցվել է 2018թ., նշված անձանցից 1-ը գտնվել է կալանքի տակ:

Պետական կամ համայնքային սեփականություն հանդիսացող հողամասերի ինքնակամ զավթումը, ինչպես նաև շենքերի և շինությունների ինքնակամ կառուցումը կասեցնելու, կանխարգելելու ուղղությամբ օրենքով սահմանված կարգով միջոցներ չձեռնարկելու (ՀՀ քր. օր 315²-րդ հոդված) վերաբերյալ նախապատրաստվել է 11 նյութ, որից 4-ով հարուցվել է քրեական գործ, 7-ով՝ քրեական գործի հարուցումը մերժվել է, որից 5-ով արդարացման, 2-ով՝ ոչ արդարացման հիմքով: Հաշվետու ժամանակահատվածում նշված հանցագործության վերաբերյալ քննչական կոմիտեի վարույթում քննվել է 14 քրեական գործ, որից ընդամենը ավարտվել է 10 քրեական գործի վարույթ, այդ թվում 6 գործի վարույթ կարճվել է արդարացման, 3-ինը՝ ոչ արդարացման հիմքերով, իսկ 1 գործ մեղադրական եզրակացությամբ ուղարկվել է դատարան: 1 գործ ուղարկվել է ըստ ենթակայության, 1 գործ միացվել է, իսկ 2 գործի նախաքննություն հաշվետու ժամանակաշրջանում մնացել է անավարտ:

Հաշվետու ժամանակաշրջանում նշված հանցագործության վերաբերյալ քննված քրեական գործերով քրեական հետապնդման են ենթարկվել ընդհանուրը 5 (բոլորն էլ քննչական կոմիտեի վարույթում) անձինք:

Քրեական հետապնդման ենթարկված անձանցից 2-ի վերաբերյալ որոշում է կայացվել որպես մեղադրյալ ներգրավելու մասին, 2 անձի մեղադրանք է առաջադրվել: 4 անձի նկատմամբ իրականացվող քրեական հետապնդումը դադարեցվել է, որից 2-ինը՝ արդարացման, 2-ինը՝ ոչ արդարացման հիմքով: Դատի է տրվել 1 անձ:

Դատավորի, դատախազի, քննիչի կամ հետաքննության մարմնի կողմից ցուցմունք կամ բացատրություն կամ կամ կեղծ եզրակացություն տալուն կամ սխալ թարգմանություն կատարելուն հարկադրելը (ՀՀ քր. օր 341-րդ հոդված) վերաբերյալ նախապատրաստվել է 11 նյութ, որից 10-ով հարուցվել է քրեական գործ, 1-ով քրեական գործ հարուցելը մերժվել է արդարացման հիմքով: Հաշվետու ժամանակահատվածում նշված հանցագործության վերաբերյալ վարույթում քննվել է 13 (որից հատուկ քննչական ծառայություն-12, ԱԱԾ քննչական վարչություն-1) քրեական գործ, որից ընդամենը ավարտվել է

9 քրեական գործի վարույթ՝ կարճվել են արդարացման հիմքով: 1 գործ ուղարկվել է ըստ ենթակայության, 1 գործ միացվել է, իսկ 2 գործի նախաքննություն մնացել է անավարտ:

Հաշվետու ժամանակաշրջանում նշված հանցագործության վերաբերյալ քննված քրեական գործերով քրեական հետապնդման ենթարկված անձինք չեն եղել:

Ապացույցները կեղծելու (ՀՀ քր. օր 349-րդ հոդված) վերաբերյալ նախապատրաստվել է 14 նյութ, որից 12-ով հարուցվել է քրեական գործ, 2-ով՝ քրեական գործ հարուցելը մերժվել է արդարացման հիմքով: Հաշվետու ժամանակահատվածում նշված հանցագործության վերաբերյալ հատուկ քննչական ծառայության վարույթում քննվել է 15 քրեական գործ, որից ընդամենը ավարտվել է 11 քրեական գործի վարույթ՝ կարճվել է արդարացման հիմքով: 1 գործ միացվել է, իսկ 3 գործի նախաքննություն մնացել է անավարտ:

Նշված հոդվածով քննված քրեական գործերով քրեական հետապնդում է իրականացվել 1 անձի նկատմամբ, որը դադարեցվել է արդարացման հիմքով:

Ակնհայտ անարդար դատավճիռ, վճիռ կամ դատական այլ ակտ կայացնելը (ՀՀ քր. օր 352-րդ հոդված) վերաբերյալ նախապատրաստվել է 1 նյութ, որով քրեական գործի հարուցումը մերժվել է արդարացման հիմքով:

Հաշվետու ժամանակահատվածում նշված հոդվածով քրեական հետապնդման ենթարկված անձինք չեն եղել:

Դատական ակտը դիտավորությամբ չկատարելը (ՀՀ քր. օր 353-րդ հոդված) վերաբերյալ նախապատրաստվել է 5 նյութ, որից 3-ով հարուցվել է քրեական գործ, 2-ով՝ քրեական գործի հարուցումը մերժվել է արդարացման հիմքով: Հաշվետու ժամանակահատվածում նշված հանցագործության վերաբերյալ վարույթում քննվել է 11 (որից քննչական կոմիտե-9, հատուկ քննչական ծառայություն-2) քրեական գործ, որից ընդամենը ավարտվել է 9 քրեական գործի վարույթ, այդ թվում 8 գործի վարույթ կարճվել է արդարացման հիմքով, 1 գործ մեղադրական եզրակացությամբ ուղարկվել է դատարան: 2 գործի նախաքննություն հաշվետու ժամանակաշրջանում մնացել է անավարտ:

Հաշվետու ժամանակաշրջանում նշված հանցագործության վերաբերյալ քննված քրեական գործերով քրեական հետապնդման են ենթարկվել ընդհանուրը 3 (բոլորն էլ քննչական կոմիտեի վարույթում) անձինք, որից 2 անձի նկատմամբ իրականացվող քրեական հետապնդումը դադարեցվել է արդարացման հիմքով, դատի է տրվել 1 անձ:

Իշխանությունը չարաշահելու, իշխանազանցության կամ իշխանության անգործության (ՀՀ քր. օր 375-րդ հոդված) վերաբերյալ նախապատրաստվել է 51 նյութ, որոնցով հարուցվել է 51 քրեական գործ: Հաշվետու ժամանակահատվածում նշված հանցագործության վերաբերյալ վարույթում քննվել է 96 (որից քննչական կոմիտե-95, հատուկ քննչական ծառայություն-1) քրեական գործ, որից ընդամենը ավարտվել է 48 քրեական գործի վարույթ, այդ թվում 25 գործի վարույթ կարճվել է արդարացման, 8-ինը՝ ոչ արդարացման հիմքերով, իսկ 15 գործ մեղադրական եզրակացությամբ ուղարկվել է դատարան: 1 գործի վարույթ կասեցվել է անձը հայտնի չլինելու հիմքով: 2 գործ ուղարկվել է ըստ ենթակայության, 10 գործ միացվել է, իսկ 35 գործի նախաքննություն հաշվետու ժամանակաշրջանում մնացել է անավարտ:

Հաշվետու ժամանակաշրջանում նշված հանցագործության վերաբերյալ քննչական կոմիտեի վարույթում քննված քրեական գործերով քրեական հետապնդման են ենթարկվել ընդհանուրը 61 անձինք:

Քրեական հետապնդման ենթարկված 61 անձանցից 5-ը ձերբակալվել է, նրանցից 1-ը ազատվել ձերբակալումից: 42-ի վերաբերյալ որոշում է կայացվել որպես մեղադրյալ ներգրավելու մասին, 42 անձի մեղադրանք է առաջադրվել: 8 անձի կալանավորման վերաբերյալ միջնորդություն է ներկայացվել դատարան, որից 1-ը մերժվել է, 7-ը՝ բավարարվել, 3 անձի նկատմամբ որպես այլընտրանքային խափանման միջոց կիրառվել է գրավ: 3 մեղադրյալի պաշտոնավարում դադարեցվել է: 5 մեղադրյալ ազատվել է կալանքից, որից դատախազի կողմից 1-ը, դատարանի կողմից՝ 4-ը: 32 անձի նկատմամբ իրականացվող քրեական հետապնդումը դադարեցվել է, որից 20-ինը՝ արդարացման, 12-ինը՝ ոչ արդարացման հիմքով: Դատի է տրվել 30 անձ, որից 2-ը գտնվել է կալանքի տակ: Քրեական հետապնդման ենթարկված 16 անձի վերաբերյալ քրեական գործերի նախաքննությունը փոխանցվել է 2018թ.:

Համեմատելով և վերլուծելով կոռուպցիոն բնույթի առավել տարածված՝ ՀՀ քրեական օրենսգրքի 179-րդ հոդվածով, 200-րդ, 214-րդ, 308-րդ, 311-րդ, 312-րդ և 313-րդ հոդվածներով նախատեսված հանցագործությունների վերաբերյալ վարույթում քննված և դատարան ուղարկված գործերի և դրանցով դատի տրված անձանց ցուցանիշները, պարզ է դառնում, որ.

Ի համեմատ 2016թ.-ի 2017թ. ընթացքում **Պաշտոնեական դիրքի օգտագործմամբ կատարված յուրացման կամ վատնման՝ ՀՀ քր. օր 179-րդ հոդվածով** նախատեսված հանցագործությունների վերաբերյալ վարույթում քննվել է **20-ով պակաս քրեական գործ** (2016թ. - 121 գործ, 2017թ. - 101 գործ), սակայն **9-ով ավել քրեական գործ է ուղարկվել դատարան քան 2016թ.-ին** (2016թ. - 19 գործ, 2017թ. - 28 գործ) և **դատի է տրվել 23-ով ավել անձ** (2016թ. - 28 անձ, 2017թ. - 51 անձի):

Նույն ժամանակահատվածում **առևտրային կաշառքի՝ ՀՀ քրեական օրենսգրքի 200-րդ հոդվածով** նախատեսված հանցագործությունների վերաբերյալ վարույթում քննվել է **10-ով ավել քրեական գործ** (2016թ. - 7 գործ, 2017թ. - 17 գործ), **5-ով ավել քրեական գործ է ուղարկվել դատարան քան 2016թ.-ին** (2016թ. - 1 գործ, 2017թ. - 6 գործ) և **դատի է տրվել 18-ով պակաս անձ** (2016թ. - 21 անձ, 2017թ. - 3 անձի):

Առևտրային կամ այլ կազմակերպությունների ծառայողների կողմից լիազորությունները չարաշահելու՝ ՀՀ քրեական օրենսգրքի 214-րդ հոդվածով նախատեսված հանցագործությունների վերաբերյալ վարույթում քննվել է **23-ով պակաս քրեական գործ** (2016թ. - 122 գործ, 2017թ. - 99 գործ), սակայն **8-ով ավել քրեական գործ է ուղարկվել դատարան քան 2016թ.-ին** (2016թ. - 3 գործ, 2017թ. - 11 գործ) և **դատի է տրվել 9-ով ավել անձ** (2016թ. - 4 անձ, 2017թ. - 13 անձի):

Պաշտոնեական լիազորությունները չարաշահելու՝ ՀՀ քրեական օրենսգրքի 308-րդ հոդվածով նախատեսված հանցագործությունների վերաբերյալ վարույթում քննվել է **53-ով ավել քրեական գործ** (2016թ. - 183 գործ, 2017թ. - 236 գործ), **5-ով ավել քրեական գործ է ուղարկվել դատարան քան 2016թ.-ին** (2016թ. - 18 գործ, 2017թ. - 23 գործ) և **դատի է տրվել 22-ով ավել անձ** (2016թ. - 28 անձ, 2017թ. - 50 անձի):

Ուսումնասիրվող ժամանակահատվածում **կաշառք ստանալու՝ ՀՀ քրեական օրենսգրքի 311-րդ հոդվածով** նախատեսված հանցագործությունների վերաբերյալ վարույթում քննվել է **41-ով ավել քրեական** գործ (2016թ. - 63 գործ, 2017թ. - 104 գործ), **15-ով ավել քրեական գործ է ուղարկվել դատարան քան 2016թ.-ին** (2016թ. - 10 գործ, 2017թ. - 25 գործ) և **դատի է տրվել 12-ով ավել անձ** (2016թ. - 26 անձ, 2017թ. - 38 անձի):

Նույն ժամանակահատվածում **կաշառք տալու՝ ՀՀ քրեական օրենսգրքի 312-րդ հոդվածով** նախատեսված հանցագործությունների վերաբերյալ վարույթում քննվել է **2-ով ավել քրեական** գործ (2016թ. - 8 գործ, 2017թ. - 10 գործ), **3-ով ավել քրեական գործ է ուղարկվել դատարան քան 2016թ.-ին** (2016թ. - 11 գործ, 2017թ. - 14 գործ) և **դատի է տրվել 33-ով ավել անձ** (2016թ. - 26 անձ, 2017թ. - 59 անձի):

Կաշառքի միջնորդության՝ ՀՀ քրեական օրենսգրքի 313-րդ հոդվածով նախատեսված հանցագործությունների վերաբերյալ վարույթում քննվել է **3-ով ավել քրեական** գործ (2016թ. - 0 գործ, 2017թ. - 3 գործ), **2-ով ավել քրեական գործ է ուղարկվել դատարան քան 2016թ.-ին** (2016թ. - 0 գործ, 2017թ. - 2 գործ) և **դատի է տրվել 12-ով ավել անձ** (2016թ. - 4 անձ, 2017թ. - 16 անձի):

2017թ. ընթացքում կոռուպցիոն բնույթի թվով 100 նախապատրաստված և ավարտված նյութերով ու քննված և ավարտված քրեական գործերով պատճառված գույքային վնասը կազմել է 569.410.497 ՀՀ դրամ (որից քննչական կոմիտե-560.029.581 ՀՀ դրամ, հատուկ քննչական ծառայություն-8.090.000 ՀՀ դրամ, ԱԱԾ քննչական վարչություն-1.290.916 ՀՀ դրամ), որից պետական գույքին պատճառված վնասը՝ 361.445.834 ՀՀ դրամ (որից քննչական կոմիտե-352.064.918 ՀՀ դրամ, հատուկ քննչական ծառայություն-8.090.000 ՀՀ դրամ, ԱԱԾ քննչական վարչություն-1.290.916 ՀՀ դրամ), իսկ 207.964.663 ՀՀ դրամը՝ իրավաբանական և ֆիզիկական անձանց գույքին պատճառված վնաս: Պատճառված ընդհանուր վնասից վերականգնվել է 269.615.270 ՀՀ դրամը, որից 252.070.385 ՀՀ դրամը (որից քննչական կոմիտե-242.689.469 ՀՀ դրամ, հատուկ քննչական ծառայություն-8.090.000 ՀՀ դրամ, ԱԱԾ քննչական վարչություն-1.290.916 ՀՀ դրամ)՝ պետական, իսկ 17.544.885 ՀՀ դրամը՝ իրավաբանակ և ֆիզիկական անձանց գույքին պատճառված վնասից:

2017թ. ընթացքում այլ պետության իրավասու մարմիններին ուղարկվել է իրավական օգնություն ցույց տալու մասին 9 միջնորդություն, որից հաշվետու տարվա ավարտին լրիվ կատարվել է 3-ը: Իսկ այլ պետության իրավասու մարմիններից ստացվել են նման 3 միջնորդություն, որից 2-ը կատարվել է լրիվ, իսկ 1-ը՝ մասնակի:

2017թ. ընթացքում ՀՀ նախաքննական մարմինների կողմից հարուցված 403 քրեական գործերից 272-ը հարուցվել է ֆիզիկական և իրավաբանական անձանց հաղորդումների հիման վրա, 8-ը՝ ԶԼՄ-ների հաղորդումների հիման վրա, 123-ը՝ հետաքննության մարմնի, քննիչի, դատախազի, դատավորի կողմից իրենց լիազորությունները

իրականացնելիս հանցագործությունների մասին տվյալների, հանցագործության նյութական հետքերի և հետևանքների հայտնաբերման հիմքով:

Համաձայն ՀՀ հատուկ քննչական ծառայությունից և ԱԱԾ քննչական վարչությունից ստացված տվյալների՝ 2017թ. ընթացքում քննված կոռուպցիոն բնույթի քրեական գործերով քրեական հետապնդման ենթարկված անձանցից 101-ը հանդիսացել են պաշտոնատար անձինք

Նշված պաշտոնատար անձինք ըստ գործունեության ոլորտների և պաշտոնների դասակարգվում են.

1. Ոստիկանության աշխատակիցներ՝ 45 անձ,
այդ թվում՝
 - ա) բաժնի պետի տեղակալ – 4 անձ,
 - բ) անձնագրային բաժանմունքի պետ – 1 անձ,
 - գ) ՔՀ բաժանմունքի պետ – 1 անձ,
 - դ) ՔՀԲ օպերիվագոր – 2 անձ,
 - ե) ՀՈԲ պետ – 2 անձ,
 - զ) ՀՈԲ տեսուչ (ավագ տեսուչ) – 2 անձ,
 - է) ՃՈ տեսուչ (ավագ տեսուչ) – 13 անձ,
 - ը) ՊՊԾ տարածքային բաժանմունքի պետ – 1 անձ,
 - ը) ոստիկան – 19 անձ,
2. ՀՀ ԱՆ ԴԱՀԿ ծառայության պաշտոնատար անձինք՝ 4 անձ,
այդ թվում՝
 - ա) բաժանմունքի պետ – 1 անձ,
 - բ) ԴԱՀԿ հաշվապահ – 1 անձ,
 - գ) հարկադիր կատարող – 2 անձ,
3. ՀՀ ՊԵԿ Պաշտոնատար անձինք՝ 10 անձ,
այդ թվում՝
 - ա) մաքսակետի պետ – 1 անձ,
 - բ) մաքսային տեսուչ – 5 անձ,
 - գ) հարկային տեսուչ – 4 անձ,
4. Ընդհանուր իրավասության դատարանի նախագահ՝ 1,
5. Ընդհանուր իրավասության դատարանի դատավոր՝ 2,
6. Դատախազության դատախազ՝ 2,
7. ՀՀ ՔԿ քննիչներ (ավագ քնիչ)՝ 3,
8. ԱԱԾ և Ջինված ուժեր՝ 5 անձ,
այդ թվում՝
 - ա) ԱԱԾ սահմանապահ զորքերի սահմանային վերահսկողության բաժնի պետ, հերթափոխի պետ, հսկիչ և ավագ հսկիչ – 4 անձ,
 - բ) Տարածքային զինկոմիսարիատի բաժնի պետ – 1 անձ,
9. ՀՀ ԱՆ ՔԿՎ աշխատակիցներ՝ 8 անձ,

- այդ թվում՝
- ա) ՔԿՀ պետ, պետի տեղակալ – 2 անձ,
 - բ) ՔԿՀ օպերատից խմբի պետ – 1 անձ,
 - գ) ՔԿՀ անվտանգության ապահովման բաժնի պետ – 1 անձ,
 - դ) հերթապահ – 1 անձ,
 - ե) մասնագետ – 3 անձ,
- 10.** Տեղական ինքնակառավարման մարմինների աշխատակազմի աշխատակիցներ՝ 2 անձ,
- այդ թվում՝
- ա) Երևանի քաղաքապետարանի աշխատակազմի բաժնի պետ – 1 անձ,
 - բ) Աբովյանի քաղաքապետարանի աշխատակազմի բաժնի պետ – 1 անձ,
- 11.** Կրթության ոլորտի աշխատակիցներ՝ 5 անձ,
- այդ թվում՝
- ա) Դպրոցի տնօրեն – 1 անձ,
 - բ) ԲՈՒՀԻ ռեկտոր – 4 անձ,
- 12.** Սոցիալական ապահովության ոլորտի աշխատակիցներ՝ 10 անձ,
- այդ թվում՝
- ա) ՀՀ սոցապ և աշխատանքի նախարարության աշխատակազմի ԲՍՓ գործակալության պետ – 1 անձ,
 - բ) ԲՍՓ գործակալության բաժնի պետ – 1 անձ,
 - գ) ԲՍՓ գործակալության տարածքային հանձնաժողովի նախագահ – 7 անձ,
 - դ) ԲՍՓ գործակալության հանձնաժողովի անդամ – 1 անձ,
- 13.** Առողջապահության ոլորտի աշխատակիցներ՝ 2 անձ,
- այդ թվում՝
- ա) ՀՀ ԱՆ «Տուբերկուլյոզի դեմ պայքարի ազգային կենտրոն» ՊՈԱԿ տնօրեն – 1 անձ,
 - բ) ՀՀ ԱՆ «Տուբերկուլյոզի դեմ պայքարի ազգային կենտրոն» ՊՈԱԿ գլխավոր հաշվապահ – 1 անձ,
- 14.** Տրանսպորտի և կապի ոլորտի աշխատակիցներ՝ 2 անձ,
- այդ թվում՝
- ա) ՀՀ տրանսպորտի և կապի նախարարության աշխատակազմի տրանսպորտի տեսչության տարածքային բաժնի գլխավոր մասնագետ-տեսուչ – 2 անձ,

ՀՀ քննչական կոմիտեից ստացված տվյալների հմաձայն՝ 2017թ. ընթացքում քննված կոռուպցիոն բնույթի քրեական գործերով քրեական հետապնդման ենթարկված անձանցից 191-ը հանդիսացել են պաշտոնատար անձինք որից 1-ը՝ բարձրաստիճան պաշտոնատար անձ, 8-ը՝ զբաղեցրել է քաղաքական պաշտոններ:

Քրեական հետապնդման ենթարկված նշված պաշտոնատար անձինք ըստ գործունեության ոլորտների դասակարգվում են.

1. Առողջապահություն- 6 անձ
2. Կրթություն- 37 անձ

3. Իրավապահ- 2 անձ
4. Պետական գնումներ- 2 անձ
5. Սոցիալական ապահովություն- 5 անձ
6. Էներգետիկայի և բնական պաշարների- 2 անձ
7. Տեղական ինքնակառավարման- 20 անձ
8. Այլ ոլորտներ- 117 անձ

Ստացված տեղեկատվության մեջ նշում չի եղել վերը նշված անձանց կոնկրետ զբաղեցրած պաշտոնների վերաբերյալ, ինչի հետ կապված լրացուցիչ հարցում է կատարվել քննչական կոմիտեից:

2017թ. ընթացքում ՀՀ նախաքննական մարմինների կողմից հանցանքի կատարմանը նպաստող հանգամանքների վերացման ուղղությամբ ՀՀ քրեական դատավարության օրենսգրքի 200-րդ հոդվածի կարգով իրավասու մարմիններին ուղարկվել է թվով 94 (որից քննչական կոմիտե-35, հատուկ քննչական ծառայություն-57, ԱԱԾ քննչական վարչություն-2) միջնորդագիր:

Ամփոփելով վերոգրյալը կարելի է փաստել, որ 2017թ. աճել է կոռուպցիոն հանցագործությունների բացահայտման ցուցանիշը: Վերջիններս ավանդաբար համարվում են լատենտայնության բարձր աստիճան ունեցող հանցագործություններ: Դրանց հայտնաբերումը, բացահայտումը, ինչպես նաև պաշտոնատար անձանց մեղավորության հիմնավորումը, հաճախ մեծ բարդություն է ներկայացնում և պահանջում է քրեական հետապնդման մարմինների կողմից հետևողական, գրագետ պլանավորված, արդյունավետ և համագործակցված գործողությունների իրականացում:

Նշվածով պայմանավորված՝ այս հանցատեսակների թվի աճը, ի տարբերություն այլ հանցանքների, դրական է գնահատվում. այդպիսի դինամիկան խոսում է ոչ թե իրականում այդ հանցանքների ծավալների ընդլայնման, այլ՝ դրանց դեմ տարվող հատկապես քրեաիրավական պայքարի արդյունավետության բարձրացման մասին:

2017թ. ընթացքում իրականացվել են ինչպես իրավական, այնպես էլ ինստիտուցիոնալ և կազմակերպական բնույթի լուրջ բարեփոխումներ, որոնք էապես ապահովել են կոռուպցիոն բնույթի հանցագործությունների կանխարգելման, դրանց հայտնաբերման, և քրեական հետապնդման աշխատանքների արդյունավետության բարձրացումը:

Մասնավորապես՝

Կոռուպցիոն հանցագործությունների շրջանակը Հայաստանի Հանրապետության կողմից վավերացված միջազգային պայմանագրերով սահմանված չափանիշներին համապատասխանեցնելու, նշված հանցագործությունների վերաբերյալ քրեական գործերով դատախազական հսկողության և դատարանում մեղադրանքի պաշտպանության որակը բարձրացնելու նպատակով, Հայաստանի Հանրապետության գլխավոր դատախազի 2017թ. հունվարի 19-ի թիվ 3 հրամանով սահմանվել են Հայաստանի Հանրապետության քրեական օրենսգրքով նախատեսված արարքները կոռուպցիոն հանցագործություններ համարելու չափանիշները և հրամանի հավելվածով հաստատվել է կոռուպցիոն հանցագործությունների

ցանկը, որում ներառվել են ՀՀ քրեական օրենսգրքի թվով 67 հոդվածով նախատեսված հանցագործություններ:

Ըստ այդմ՝ կոռուպցիոն հանցագործություն է համարվել այն հանցավոր արարքը, որը կատարվել է ոչ իրավաչափ առավելություն ստանալու նպատակով՝ շահադիտական կամ անձնական այլ շահագրգռվածությունից կամ խմբային շահերից ելնելով, հատուկ սուբյեկտի՝ պաշտոնատար անձի կամ առևտրային կամ այլ կազմակերպություններում կարգադրիչ կամ այլ կառավարչական գործառույթներ իրականացնող կամ առևտրային կազմակերպություններում այլ պաշտոն զբաղեցնող անձի կողմից ծառայողական դիրքի ընձեռած հնարավորություններն օգտագործելով:

Բացի այդ, կոռուպցիոն բնույթի հանցագործությունների վերաբերյալ քրեական գործերով դատախազական հսկողության և դատարանում մեղադրանքի պաշտպանության որակը բարձրացնելու նպատակով ՀՀ գլխավոր դատախազի 2017թ. մարտի 13-ի թիվ 26 հրամանով սահմանվել են ՀՀ դատախազության համակարգում դատախազների միջև աշխատանքային պարտականությունների բաշխում կատարելու վերաբերյալ կարգադրության, ինչպես նաև դրա փոփոխման և /կամ/ լրացման վերաբերյալ կարգադրության օրինակելի ձևերը:

Նշված հրամանով Երևան քաղաքի և մարզերի դատախազներին հանձնարարվել է աշխատանքային պարտականությունների բաշխում կատարելու վերաբերյալ կարգադրություններով, որպես կանոն, ապահովել դատախազությունների դատախազների մասնագիտացում ըստ առանձին հանցատեսակների, այդ թվում՝ պետական իշխանության դեմ ուղղված և կոռուպցիոն հանցագործություններով:

2017թ. ընթացքում ՀՀ գլխավոր դատախազությունում պարբերաբար անցկացվել են քննարկումներ կոռուպցիոն բնույթի քրեական գործերով դատավարական ղեկավարում իրականացնող դատախազների և նախաքննություն իրականացնող քննիչների մասնակցությամբ: Իրենցից որոշակի բարդություն ներկայացնող կոռուպցիոն հանցագործություններ բացահայտած քննիչներն ու օպերատիվ հետախուզական գործունեություն իրականացնող մարմինների աշխատակիցները ՀՀ գլխավոր դատախազի տեղակալի միջնորդությամբ պարզևատրվել են, իսկ նրանց գործունեության ընթացքում հայտնաբերված թերացումների ու բացթողումների դեպքում՝ համապատասխան գրություններով ուշադրության են հրավիրվել հետաքննության և քննչական բաժինների ղեկավարությանը, որոնք էլ յուրաքանչյուր դեպք քննարկել են օպերատիվ խորհրդակցություններում:

ՀՀ գլխավոր դատախազի հանձնարարությամբ կոռուպցիոն և տնտեսական գործունեության դեմ ուղղված հանցագործությունների գործերով վարչության պետի կողմից ՀՀ դատախազության բոլոր ստորաբաժանումներից պահանջվել է «Կոռուպցիոն հանցագործությունների քննության արդյունքների մասին» ներկայացնել ամսեկան հաշվետվություն, որն իր մեջ պարունակում է նշված բնույթի հանցագործությունների վերաբերյալ նախապատրաստված նյութերի, հարուցված քրեական գործերի, գործերով անցնող մեղադրյալների, ընտրված խափանման միջոցների, պատճառված նյութական վնասի և դրա վերականգնման, ինչպես նաև քննված քրեական գործերի ընթացքի վերաբերյալ վիճակագրական տվյալներ:

ՀՀ գլխավոր դատախազի տեղակալը ՀՀ դատախազության ստորաբաժանումներին հանձնարարել է կոռուպցիոն բնույթի հանցագործությունների վերաբերյալ քննվող քրեական գործերով անցնող, «Հանրային ծառայության մասին» Հայաստանի Հանրապետության օրենքով սահմանված՝ հայտարարագիր ներկայացնող անձանց վերաբերյալ նախաքննության ընթացքում պարտադիր քննության առարկա դարձնել ապօրինի հարստացման մասով (ՀՀ քր. օր. 310.1-րդ հոդված): Դրա վերաբերյալ ՀՀ գլխավոր դատախազության կոռուպցիոն և տնտեսական գործունեության դեմ ուղղված հանցագործությունների գործերով վարչության կողմից մշակվում է մեթոդական ուղեցույց:

2017թ. դեկտեմբերի 9-ին ՀՀ գլխավոր դատախազության և Հայաստանի ՔՀԿ-ների հակակոռուպցիոն կոալիցիայի միջև ստորագրվել է համագործակցության հուշագիր, որով նախատեսվում են միջոցառումներ՝ ուղղված կոռուպցիայի դեմ պայքարի կանխարգելմանը և կոռուպցիոն ռիսկերի նվազեցմանը, հակակոռուպցիոն ոլորտում իրավապահ մարմինների և քաղաքացիական հասարակության կազմակերպությունների համագործակցության զարգացմանը, քաղաքացիների՝ կոռուպցիայի դեմ պայքարի անհրաժեշտության և այդ պայքարի միջոցների վերաբերյալ իրազեկվածության մակարդակի բարձրացմանը, կոռուպցիայի դեմ պայքարում ֆիզիկական և իրավաբանական անձանց շահերի և իրավունքների պաշտպանության ապահովմանը և այլն:

«Ազդարարման համակարգի մասին» ՀՀ օրենքին համապատասխան անանուն հաղորդումների ներկայացման միասնական էլեկտրոնային հարթակ ստեղծվելու կապակցությամբ Վարչության կողմից մշակվել է ՀՀ գլխավոր դատախազության կողմից իրականացվելիք գործողությունների աշխատանքային ծրագիր-քարտեզ: